



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militia Sacra || Dvcvm Et Principvm || Brabantiaë,||

Molanus, Johannes

Antverpiae, [1592]

De sacra militia Ioannis I. contra Woringiam, & contra Petrum Regem
Arragonum. Cap. LXIII.

urn:nbn:de:hbz:466:1-38114

raci coram Richardo Imperatore sæculo abrenuncians, monachalem habitum Duione in Burgundia assumpsit.

De sacra milittia IOANNIS I. contra Worringiam, & contra Petrum Regem Arragonum.

C A P. L X I I I.

IOANNES primus benignè annuens precibus Comitum Montensis, Walrami Comitis Iuliacensis, & ciuium Coloniensium, ^{VI II. Latharingsæ & Brabantis Dux.} obsedit Worringiam, pessimum Diaboli nidum: è quo negotiatoribus & peregrinis à prædonibus, qui illic morabatur, multo tempore plurima illata fuerant damna. Archiepiscopus Coloniensis, sub quo locus erat constitutus, anno C I O. C C. L X X V I I I. die v. Iunij cum horrendo exercitu, qui contra Paganismum videbatur sufficere posse, aderat: attulerant etiam compedes, manicas, & funes, quibus Brabantinos captiuos vincirent. Dux verò, tametsi decuplo plures essent hostes, obuiam tamen eis in aciem processit, cum acerrimè vtrimque pugnatum fuit. Vbi & Dux ipse, quasi vnus de Machabæis, supra modum strenuè sese fortiterque gessit, ac post diuturniorem conflictum victor euasit, captis Archiepiscopo Siuerto, Comite Geldriæ, Dñ. de Valkenborch, Comite Mursensi, Comite de Nassau, qui postmodum Imperator fuit, multisque alijs nobilibus & militibus. Ex parte Ducis pauci corruerunt, quorum præcipui fuere Waltherus Berthouts

Dominus Mechliniæ, & Arnoldus de Zeelhem, homo probus, moribusq. compositus. Destructa ergo Worringia, reuersi sunt in Brabantiam cum magna gratiarum actione, magnificantes Deum.

Tentauerat & ante annos VII. aliam facram militiam. Siquidem Siculi impatientes libidinis & insolentiæ Gallorum, coniuratione facta anno Domini CIO. CC. LXXXI. die Paschæ ad pulsum campanarum quæ populum ad Vesperas conuocabant, omnes Gallos, vna cum vxoribus etiam grauidis contrucidarunt. Vnde prouerbiū, Vesperæ Siculæ. Quo facto, ad Petrum Tarraconensem Arragonum Regem defecerunt: qui cum ob id à Nicolao III. proscriptus esset, & hostis Ecclesiæ iudicatus (testes Æmilius, Platina, Blondus, & alij) mox contra eum Philippus Francorum Rex, Ioannes Brabantiae Dux, & frater eius Godefridus de Virson, prædicata Cruce, profecti sunt. Est & in annalibus Mechliniensium, Ioannem Ducem, Pontifice imperante, eò profectum fuisse, posthabito, quod contra Geldrum & Leodiensem Episcopum gerebat, bello: cui præfectum reliquit Waltherum Berthouts Cancellarium, quartum eius nominis Mechliniæ Dominum. In hac profectioe multi nobiles Brabanti & Mechlinienses moriebantur. Quin & ipse Rex è viuis excessit, Dux verò ager in Brabantiam est reuersus.